

中國方志叢書·華中地方·第五〇二號


據

明·張時徹等纂修
明嘉靖四十二年刊本

影印

浙江省

定海縣志



成文出版社有限公司印行

SK28/11



10101906

中國方志叢書·華中地方·第五〇二號

據

明·張時徹等纂修
明嘉靖四十二年刊本

影印

浙江省

定海縣志

(二)

5428/111
成文出版社有限公司印行



10101905

中華民國七十二年三月臺一版

定海縣志

共二冊

發行人：黃 成 助

出版者：成文出版社有限公司

台北郵政信箱二二六〇五號

台北郵政信箱二二六〇五號

台北市杭州南路一段6巷9號3F

印刷者：上林彩色印刷有限公司

電話：三九一六四一六（五線）

台北市大理街145號

新聞局出版登記證：局版台業字第二四三號

定海縣志序

寧波爲東南之雄郡又東六十里而邑者定海也
凡海市之出入番舶之往來鳥言卉服貢雉而獻
琛者率由茲以入是以枕海而城跨江而關屹然
稱東南之保障云邇者

聖天子震奮神武殄滅鯨鯢

特命都督開府其地歲屯重兵用以威遠固封慮
至深矣何子尹斯邑謂致理之經宜鑒今圖而懷
古邑之有志實置國之與裕而文獻之與徵不

則也請諸大司馬東沙張公而成之徵敘於余
余讀其書若巨浸之決濟無弗羅也若朝陽之顯
融無弗燭也文哉郁郁乎詳哉秩秩乎可以窺曠
識可以測遠猷矣公攬遷固之才發靈秘之秀摘
神苞思博極羣言其為斯志也遠括綠文赤字之
書近收裨官臆論之說蓋司牧之著蔡而願治之
準繩也語曰不習為吏視已成事自余來守是邦
蚤作而夜思博詢而悉聽取司馬公前所為府志
而觀之陳民風而昭上俗如指諸掌而睹也今觀

於定海之志幅員有考而封守可以固矣經制有
條而保釐可以規矣物產有籍而賦歛可以程矣
戶口有數而撫字可以勤矣人物有紀而美刺可
以觀矣述作有錄而人文可以備矣獨文焉乎哉
夫自東南多警王俗日殊沿革廢置亦區以別

聖天子凝神於九重之上而威行於渤海之外重
民命而謹邊徼尤其所惓惓焉廼茲奉渙號守四
封可無勵精以承休德哉孰斯志以往範官常之
請效崇贊之節竭滄塗之懷以分南顧之憂非

子夙夜所爲兢兢者乎詩曰不愆不忘率由舊章此之謂也

嘉靖四十二年冬十一月朔

賜進士中順大夫寧波府知府達安雲金科庫

定海縣志敘

何君爲定海之二年政紀即敘斑駁悅康吏無訛
度野無伏奸益圖其曠闕而興起之謀于衆曰自
余之始政也土疆弗之察也版畫弗之明也筏歛
弗之經也獻文弗之稽也習賢而爲之舉聖而求
之益歲星再周矣稍乃把其條章而紆布焉猶或
未迪於前聞竊懼夫後政者之優俵也猶之吾患
也愈誠不繼瓜而且代益圖所以急後者乎則謁
山碧之堂而問志焉余曰曩者新是之咨乎昔

文獻不足其對魯君也曰
文武之政布在方策故籍存則政存籍亡則政亡
夏典一書商書之籍也禹貢一書夏后氏之籍
也周官一書姬周氏之籍也秦至無道燔燒諸書
猶存律令圖籍漢王入關即收而寶之歷代肇興
各有司存誠知真麗綴旒非此其道無繇也今夫
千金之家以貽子孫必為之籍記曰某居室若干
某土田若干某賦入若干某什器若干某因某革
某損某益然後子孫得世守焉故曰貽厥孫謀言

考其永之也乃為政者而可以廢籍乎民未知則
而各有輸心將干紀敗度者踵至矣刑法益峻而
奸宄益滋雖異材魁智曷適音從事乎故郡邑之
有志也猶家之有籍也以辨方域以稽天道以敘
人紀以察風俗以嚴吏治以養民德盡以章淑慝以
格奇衰以興財用以殖民萌胡可以一日不講哉
為吏而奸此則為誑吏為民而奸此則為誑民誑
道革而後王道可興自降古以來未之有改也何
尹寧寧賦役重民之害為籍不忘後政之圖此豈

大尺寸之...
綜舊章益以新...
志用傳永...
暉此其克...云

皇明嘉靖四十二年歲次癸丑夏四月既望南京
兵部尚書郡人張時徹撰

脩定海誌敘

余筮仕初領姚邑事承部使者委覈按牘於定與
定令余同年金君壩山登招寶山俯長波望海島
見所謂民風土物鬱鬱乎疆域之勝矣時嘉靖乙
巳也後十年余分憲茲土尋叅此藩又復一登臨
其時王直擁衆為亂督府方視師海上四路兵頗
集餽餉相仍旌旗滿野樓櫓衝波閭井洶洶然非
昔也無何余以閔凶西歸寇難尋息甫四年余
復來之視海事見山川景物與疇昔異因諮耆舊

詢在蹟考紀載知記籍典憲攸繫所以紀時事而
備諸沿革不可以無誌也定邑最濱海故俗環汐
抱漚之衆憤憤焉捕錯海隅以終旦夕今編氓力
穡事溉蓄畬者種種壠畝焉兵興以來蠻泮鞠蕪
圃幾稱倚席今里社彬彬文物燦爛忠義孝友足
以陳常而布教闡化者可異也往猴濤一帶俱荒
莽寂寞余撫景慨然增感茲堞雉縱橫塔影嶙峋
屏列森羅相望矣其戶口徭役貢賦之瑣屑細微
官府之所以徵科於閭井與黔黎之所以服役挽

輸於公家以充運餉贍供億者為制不同然廢興
數易因革靡恒遷徙建置之功二十年間其更張
竄定知其幾變易哉是誌胡可以弗脩也乃定令
何君愈請其事於大司馬張公因集舊誌復增以
紀傳年表之法易為今誌云噫司馬文章抱蓄一
代典獻也茲懸輿邦土從容藝苑故得遂何子請
假今司馬敷康定徽猷旦夕曳紱於

朝宁則去梓里遠甚不能睹記其所以沿革者又
笑暇及此繼及之又曷能詳且核彰彰若此哉茲

固何令述作之幸也或曰司馬嘗為寧波誌矣綜
同括異其載定事頗悉茲復繹之邪余曰誌都會
者畧夫省誌省者畧夫郡誌郡者畧夫邑體裁有
所重其事故有詳畧勢也茲專誌邑其事顧悉於
郡誌之所述也已司馬公弗辭而矢詞撰意以
應何令者也獨無意邪

嘉靖癸亥八月之吉浙江按察司巡視海道副使
東蜀劉應箕撰

重修定海縣志後序

愈自生髮之燥蓋輒聞今大司馬東沙張公侈聲
當代衰然寓內大雅云然宦轍所屆獨靳廣粵未
炙景輝徒懷仰止廼庚申之冬愈承乏定邑竊計
撫衣門下幸終願學而公則詔以休媿蓋諄諄篤
也已而尋經舊志將範往獻以昭厝理無徒憫憫
乎匪彛亦曰無得罪于庶士庶民云爾乃其志則
圖輿地而海區弗逮奚徵防禦志疆域而古濠弗
理矣溯河源紀宦蹟而吏昌國者弗錄奚存有司

黃公任奕踵訛弗刪豐稷黃震傳疑弗辨事有脫
畧文或繁蕪美刺相眩名實失倫苟若而可將何
以免于黷慝乎乃縣史長跼進書曰斯公所為郡
志也唯茲成典可以徵信矣愈矍然興起莊誦而
履行之歷茲三載吏事稍敘爰謀諸文學樂亮山
輦曰志之為用大矣乃舊志姑置之即郡志非專
於定者也敢再微寵於公於諸君何如諸文學曰
唯唯遂謂公涵碧之堂而問志焉公曰予嘗志郡
矣復何言愈曰體有專不專事有核不核非欤言